



CONCELLO  
DA  
POBRA DO CARAMIÑAL  
(A CORUÑA)

Municipio de Interese Turístico

## PROPOSTA DA ALCALDÍA AO PLENO.

### **MODIFICACIÓN DO ACORDO REGULADOR DOS PREZOS PUBLICOS POLA ASISTENCIA AO CAMPAMENTO MUNICIPAL DE VERAN 2016 E AO TALLER "MADRUGADORES"**

Considerando que o Concello da Pobra do Caramiñal ten a intención de ir despregando unha oferta estable de actividades de lecer e conciliación con ocasión das festas do Entroido, Nadal e Semana Santa, que veñan complementar á oferta establecida a través dos Campamentos de Verán, e dentro todo elo do programa de Obradoiros de Conciliación "MÓVETE", e actuando dentro do ámbito das súas competencias de acordo co previsto no artigo 25.2 L) da Lei 7/1985, de 2 de abril, Reguladora das Bases do Réxime Local, solicítase dos servizos económicos que informen sobre a viabilidade de establecemento dos seguintes prezos públicos:

A) OBRADORIO DE CONCILIACIÓN DE ENTROIDO.

- 30 €/persoa/obradoiro completo.
- 3 €/persoa/día solto.

B) OBRADORIO DE CONCILIACIÓN DE SEMANA SANTA

- 15 €/persoa/obradoiro completo.
- 3 €/persoa/día solto.

C) OBRADORIO DE CONCILIACIÓN DE SEMANA SANTA

- 9 €/persoa/obradoiro completo.
- 3 €/persoa/día solto.

D) OBRADORIOS DE CONCILIACIÓN PUNTUAIS

- 3 €/persoa/día.

**VISTOS os informes emitidos** polo Técnico de Administración financeira e a Intervención municipal

**CONSIDERANDO** que os prezos públicos propostos no son suficientes para cubrir os custes das actividades, e tendo en conta o previsto no RDL 2/2004, de 5 de marzo, polo que se aproba o texto refundido da Lei Reguladora das Facendas Locais. Neste sentido, cómpre indicar o seguinte:

Razóns sociais, benéficas, culturais ou de interese público que aconsellan o establecemento dos prezos públicos.

Aos efectos do establecido no artigo 44 do Real decreto legislativo 2/2004, de 5 de marzo, polo que se aproba o texto refundido da Lei Reguladora das Facendas Locais, cómpre indicar o seguinte:



CONCELLO  
DA  
POBRA DO CARAMIÑAL  
(A CORUÑA)

Municipio de Interese Turístico

1. Polo que se refire ao interese da actividade:

Que o feito de que os prezos establecidos sexan inferiores ao custe de prestación do servizo responde ao interese municipal por garantir aos veciños e veciñas do Concello a existencia dunha oferta suficientemente ampla e de calidade para atender a demanda existente en materia de conciliación familiar e lecer da poboación en idade escolar. Tendo en conta as características do noso Concello, en ausencia destes programas esa demanda (cuxa existencia acredita o desenvolvemento dos campamentos de verán) no tería un servizo ao que acudir.

2. Polo que se refire ao déficit estimado.-

Que o déficit xerado pola actividades plantexadas pode ser asumido cos recursos propios do Concello, e será tido en conta na elaboración do orzamento para o exercicio 2017 (e sucesivos). En atención ao seu importe limitado (considerado ademais o carácter de máximo do estudo económico que figura no expediente) e en atención tamén aos recursos de carácter estable de que dispón o Concello actualmente, estímase asumible e garantido por tanto o seu respaldo orzamentario. Os gastos e ingresos derivados destas actividades serán tidos en conta na redacción do orzamento do exercicio 2017 (e sucesivos en que siga en marcha o programa). Por último, en relación a esta cuestión cómpre subliñar a posibilidade de que estes programas podan acollese a convocatorias de achegas doutras administracións, o que reduciría -ou mesmo eliminaría- o déficit estimado.

**CONSIDERANDO** o establecido no artigo 47.1 do RDL 2/2004, de 5 marzo, polo que se aproba o texto refundido da Lei Reguladora das Facendas Locais, en relación coa competencia para fixación de prezos públicos.

**Propoño ao Pleno da Corporación** a adopción do seguinte **ACORDO**:

**PRIMEIRO.-** Aprobar un novo acordo regulador do prezo público a abonar pola asistencia as actividades desenvoltas no marco dos Obradoiros “Móvete” e ao taller “Madrugadores”, que se regulará polas seguintes normas de xestión:

**“ACORDO REGULADOR DO PREZO PÚBLICO A ABONAR POLA ASISTENCIA AS ACTIVIDADES DESENVOLTAS NO MARCO DOS OBRADOIROS “MÓVETE” E AO TALLER “MADRUGADORES”.**

**ARTIGO 1.- FUNDAMENTO E NATUREZA.**

*De conformidade co previsto nos artigos 127 e 41 a 47 do Real Decreto Legislativo 2/2004, de 5 de marzo, polo que se aproba o Texto Refundido da Lei reguladora das facendas locais, este Concello establece o prezo público*



CONCELLO  
DA  
POBRA DO CARAMIÑAL  
(A CORUÑA)

Municipio de Interese Turístico

pola asistencia pola asistencia as actividades desenvoltas no marco dos Obradoiros "móvete" e ao obradoiro "Madrugadores.

**ARTIGO 2.- CONCEPTO.**

O prezo público regulado neste acordo constitúe unha prestación patrimonial de carácter público que se satisfará polos usuarios que voluntariamente soliciten a participación nas actividades definidas no artigo 1.

**ARTIGO 3.- OBRIGADOS Ó PAGO.**

Están obrigados ó pago do prezo público as persoas físicas ou xurídicas que soliciten e/ou que participen nalgunha das actividades enumeradas no artigo 1

**ARTIGO 4.- CONTÍA.**

Os prezos públicos rexeranse polo seguinte cadro de tarifas:

A) **CAMPAMENTO DE VERÁN:**

- 60 €/persoa/mes completo
- 40 €/persoa/quincena
- 15 €/persoa/do 23 ao 30 de xuño
- 15 €/persoa/semana de setembro.

B) **TALLER "MADRUGADORES":**

- 20 €/persoa/mes completo/de 7:30 a 9:00 h
- 15 €/persoa/quincena/de 7:30 a 9:00 h
- 12 €/persoa/ mes completo/de 8:00 a 9:00 h
- 8 €/persoa/quincena/ de 8:00 a 9:00 h
- Do 23 ao 30 de xuño e por semana de setembro: 7,50 €/persoa/de 7:30 a 9:00 h
- Do 23 ao 30 de xuño e por semana de setembro: 4 €/persoa/de 8:00 a 9:00 h

C) **OBRADORIO DE NADAL.**

- 30 €/persoa/obradoiro completo.
- 3 €/persoa/día solto.

E) **OBRADORIO DE SEMANA SANTA**

- 15 €/persoa/obradoiro completo.
- 3 €/persoa/día solto.

F) **OBRADORIO DE ENTROIDO**

- 9 €/persoa/obradoiro completo.
- 3 €/persoa/día solto.

G) **OBRADORIOS DE CONCILIACIÓN PUNTUAIS**

- 3 €/persoa/día.

Cando asistan 2 ou mais irmáns simultaneamente á mesma actividade, o segundo irmán terá unha bonificación do 50% na cota, e o terceiro asistirá de xeito gratuíto.



CONCELLO  
DA  
POBRA DO CARAMIÑAL  
(A CORUÑA)

Municipio de Interese Turístico

**ARTIGO 5.- OBRIGA DE PAGO E PRAZOS DE PAGO.**

1. A obriga de pago xurdirá con carácter xeral cando se inicie a prestación dos servizos correspondentes. Non obstante, cando por causas non imputables ó demandante do servizo, este non se prestase, procederase á devolución do importe efectivamente aboado.

2.- O prezo público aboarase en réxime de autoliquidación e depósito previo do mesmo, que deberá ser aboado cando se realice a solicitude do servizo. En todo caso, non se iniciará a prestación do mesmo se non se realizou o depósito previo.

**ARTIGO 6.- PROCEDIMENTO DE PREMA.**

As débedas por impago dos prezos contemplados no artigo 4 esixíranse polo procedemento de constrinximento de acordo co disposto nos artigos 10.1 e 46.3 do Real Decreto Lexislativo 2/2004, de 5 de marzo, polo que se aproba o Texto Refundido da Lei reguladora das facendas locais.

**DISPOSICION DERRADEIRA.**

O presente acordo entrará en vigor tas a publicación do seu texto no Boletín Oficial da Provincia, nos termos indicados no artigo 70 da Lei 7/85, de 2 de abril, reguladora das bases do réxime local".

**SEGUNDO.- PUBLICA-LO presente acordo** en base ó previsto no artigo 45 da Lei 39/15, de 1 de outubro, do Réxime Xurídico das AA.PP. e do Procedemento Administrativo Común, e artigo 70.2 da Lei 7/1985, de 2 de abril, Reguladora das Bases do Réxime Local.

**TERCEIRO.- Facultar o Sr. Alcalde - Presidente**, tan amplamente como en dereito sexa posible para garantir a plena efectividade do presente acordo.

En A Pobra do Caramiñal, á data da sinatura dixital

O Alcalde

José Luís Piñeiro García